

Sarajlije djeci i roditeljima iz Konjević Polja donose hranu, kafu, pa i TV

12/10/2013 14:43 by Administrator

Roditelji i djeca bošnjačke nacionalnosti iz povratničkog naselja Konjević Polje četiri dana protestuju preko puta zgrade OHR-a u Sarajevu. Njihovi djatori nalaze uz Miljacku, a noći su hladne, međutim, građani Sarajeva učini su im vrijeme provedeno na otvorenom donekle ugodnijim.

Stanari obližnjih zgrada, ali i prolaznici pokazali su da solidarnost i ljudskost nisu nestale u ljudima. Svako malo neko im priđe i pita da li im nešto treba, kuhaju kafu, donose sokove, hranu, voće i kolačice.

"Ponudili su nam svoju televiziju da gledamo utakmicu BiH - Lihtenštajn, donose nam hranu, sokove, pa čak i cigare za one koji puše i daju nam moralnu podršku. Svaki uvijek koji je prošao obratio nam se i dao podršku. Svi su podržali prava djece, pravo na obrazovanje i mi se zahvaljujemo svim Sarajlijama, Podrinjcima i svim ljudima", rekao je Smajo Suđić, član Savjeta roditelja i otac troje djece.

Proteklih dana u posjetu su i dolazili i političari. Sinoć su zajedno gledali utakmicu, a tokom dana su im u posjeti bili i prijatelji srpske nacionalnosti iz Bijeljine kako bi im pružili podršku.

"Obični ljudi nisu problem, naš problem su OSCE i OHR i ministar Goran Mutabdzija koji je trebao riješiti sve ovo na vrijeme, te direktor škole u Konjević Polju. OHR i OSCE su ti koji unose i trebaju unositi tekovine Evropske unije u naš društvo, a oni čine", istakao je Suđić u razgovoru za Klix.ba.

Djeca i dalje spavaju u Studentskom domu u Nedžadima. Dane provode sa svojim roditeljima i vršnjacima ispred djatora.

"Ovdje mi je lijepo, ali mi nedostaje škola i društvo. Ovdje crtamo, igramo se, pišemo i radimo mnogo drugih stvari. Nekada bude hladno, ali sada nije", rekla je Safira Suđić, jedna od učenica Osnovne škole "Petar Kočić".

U djatorima svaki dan živi 24 djece iz Konjević Polja, a očekuje se da će ih biti još. Roditelji su poručili da neće otići dok prava njihove djece ne budu ostvarena, te da ih neće spriječiti ni vremenske prilike niti praznici.

Klix.ba